

KOMBETARE
BIBLIOTEKA
S4
R
119
TIRANE

RREGULLORE
MBI ADMINISTRIMIN E PËRGJITHSHËM
TË KISHËS ORTHODHOKSE AUTOQEFALE
TË SHQIPËRISË

KOM. SH. SH.
S4
R
119
TIRANE

Tiranë 1955

Organizimi i brëndëshëm i Kishës dhe administrimi i pasurive të manastireve, të kishave dhe komuniteteve fetare, bëhet sipas dispozitave të kësaj Rregulloreje.

DISPOZITA TË PËRGJITHËSHME

Neni 1. — Zhvillimi në besimtarët i ndjenjave të besnikërisë ndaj Pushtetit të popullit dhe Republikës Popullore të Shqipërisë, si edhe i ndjenjës së atdhe-dashurisë dhe të përforcimit të bashkimit kombëtar, që është një detyrë kryesore, patriotike dhe shoqërore, e Kishës Orthodhokse Autoqefale të Shqipërisë, kryhet me anën e shëmbëllës personale të të gjithë punonjësve të saj dhe nëpërmjet të një aktiviteti të saj të gjallë dhe të pa-ndërprerë, i cili konsiston në mbrojtjen pa kushte të independencës, të sovranitetit dhe të integritetit tokësor të Atdheut, në ruajtjen e fitoreve të popullit, në realizimin e çdo plani dhe programi që ndërmerret për lumtërinë e

popullit dhe të shoqërisë në përgjithësi, si edhe në nxitjen dhe përrrahjen pa rezerva të përpjekjeve të popullit Shqiptar për mbrojtjen e kauzës së shënjtë të paqes në mbarë botën.

2. — Lidhjet që mban Kisha Orthodhokse Autoqefale e Shqipërisë me kishat orthodhokse motra, q'i interpretojnë dhe praktikojnë drejt parimet e larta Ungjillore mbi dashurinë, paqën dhe vëllazërimin e vërtetë ndërmjet popujve, janë lidhje bashkëpunimi të gjithëanëshëm dhe kryesisht lidhje shpirtërore nga më vëllazëroret, të cilat harrihen nëpërmjet një bashkëpunimi kultural sa më të ngushtë dhe të pandërprerë dhe një bashkëpunimi të vazhduarshëm rreth gështjesh dhe problemesh të përbashkëta, që lypin një kuptimshmëri reciproke dhe një përballim dhe zgjidhje të përbashkët, dhe që synojnë në ruajtjen dhe mbrojtjen e orthodhoksisë së vërtetë, në demoncimin e mashtrimit të parimeve të krishterimit, në shkarimin dhe lumtërinë e besimtarëve orthodhoksë dhe në të mirën e shoqërisë në përgjithësi.

Përpjekjet e përbashkëta për mbrojtjen e paqes, e cila është një nga parimet bazë të krishterimit, dhe pa të cilën nuk mund t'ekzistojë jetë dhe lumtëri, zënë vëndin e

parë dhe kryesor në këto lidhje bashkëpunimi,

KAPTINA E I. —

KËSHILLI MIKST

Neni 3. — Këshilli Mikst është organi më i lartë për administrimin e pasurive të luftëshme dhe të pa-luftëshme të Kishës Orthodhokse Autoqefale të Shqipërisë.

Neni 4. — Këshilli Mikst administron të gjitha pasuritë e luftëshme dhe të pa-luftëshme të Kishës Orthodhokse Autoqefale të Shqipërisë me anë të Këshillit Ekonomik të Përhershëm.

Neni 5. — Antarët laikë të Këshillit Mikst zgjidhen në këtë mënyrë:

Titullari i çdo episkopate, dy muaj para zgjedhjeve për antarët laikë të Këshillit Mikst, provokon me anë shpallje kandidaturën e çdo besniku që ka cilësitë e kërkuesit prej Nenit 6 të kësaj Rregulloreje.

Kandidaturat pranohen brenda 15 ditëve nga data e shpalljes.

Titullari, emrat e kandidatëve, u a komunikon këshillave kishtare të qyteteve dhe katundeve të juridiksionit të tij me anë të

zëvendësve lokalë, të cilat këshilla kishtare zgjedhin një prej kandidatëve të paraqitur.

Rezultatet i dërgohen qëndrës së episkopatës me anë të zëvendësve lokalë, e cila deklaron si antar të Këshillit Mikst kandidatin që ka fituar shumicën e votave, duke i njoftuar emrin e tij Kryesisë së Kishës.

Në rast barazije votash, shpallen zgjedhje të reja.

Neni 6. — Antarët llaikë duhet të jenë madhorë, shtetas shqiptarë dhe të besimit orthodhoks.

Neni 7. — Këshilli Mikst ka sidomos këto kompetenca:

a) Të ruajë dhe të mbrojë interesat dhe të drejtat e Kishës Orthodhokse Autoqefale të Shqipërisë.

b) Të drejtojë dhe të rregullojë çështjet administrative, kishtare, kulturele dhe ekonomike të të gjithë Kishës.

c) Të mbajë institutet kulturore të kishës dhe të caktojë mjetet për mbajtjen e tyre, duke iu konformuar Nenit 17 të Ligjës mbi Komunitetet fetare.

ç) Të vendosë mbi titullimin e dioqezave, mbi kufijtë tokësorë të tyre, të zëvendësive të tyre, si edhe mbi themelimin e dioqezave të reja.

d) Të kujdeset për mbarë-vajtjen, kontrollin dhe shtimin e pasurisë së lujtëshme dhe të pa-lujtëshme, e cila është pronë e përgjithëshme e kishës.

dh) Të gjëjë mjetet e nevojshme për mbajtjen e kishave të vobegëta, si edhe për rindërtimin e atyre që janë dëmtuar.

e) Të zgjedhë antarët e Këshillit Ekonomik të Përhershëm.

ë) Të shqyrtojë raportin vjetor të përpilluar nga Këshilli Ekonomik i Përhershëm dhe të caktojë masat që duhen marrë për drejtimin e mirë të punëve kishtare.

f) Të shqyrtojë dhe t'aprovtojë Buxhetin konsumtiv të Kishës dhe të fondit të Sigurimit të klerit.

g) Të shqyrtojë dhe t'aprovtojë Buxhetin preventiv të përgjithëshëm të Kishës.

gj) T'akordojë bursa për studime fetare.

h) Të hartojë organikën e përgjithëshme të Kishës.

KËSHILLI EKONOMIK I PËRHERSHËM

Neni 8. — Këshilli Ekonomik i Përhershëm, si organ ekzekutiv i Këshillit Mikst, ka këto kompetenca:

a) T'administrojë me anën e organeve mvartëse pasuritë e lujtëshme dhe të palujtëshme të Kishës Orthodhokse Autoqefale të Shqipërisë.

b) Të verifikojë buxhetet konsumtivë të Kishës dhe të fondit të sigurimit të personelit klerik dhe t'ia parashtrijë këto për aprovim Këshillit Mikst bashkë me raportet shkoqitës.

c) Të hartojë projekt-buxhetin preventiv vjetor dhe t'ia parashtrijë për shqyrtim dhe aprovim Këshillit Mikst.

ç) Të vërë në zbatim vendimet e Këshillit Mikst mbi administrimin e përgjithshëm të pasurive kishtare.

d) Të propozojë masa për forcimin e disiplinës financiare kishtare.

dh) Të vendosë rreth përdorimit të drejtë të fondeve të caktuar.

e) Të kujdeset për mbarë-vajtjen, kontrollin dhe shtimin e pasurisë së lujtëshme dhe të palujtëshme të Kishës.

ë) Të hartojë raportin e përgjithshëm vjetor mbi punën e kryer, mbi të metat e konstatuara dhe të propozojë masat që duhet të merren.

f) Të shqyrtojë dhe t'aprovijë buxhetet

konsumtivë dhe preventivë të komuniteteve lokale të qyteteve dhe të manastireve.

Neni 9. — Këshilli Ekonomik mbledhet zakonisht një herë në muaj dhe jashtëzakonisht sa herë që e lyp nevoja.

Neni 10. — Antarët e Këshillit Ekonomik, për punën e kryer, shpërblehen me orë, simbas ligjeve financiare.

KËSHILLAT KISHTARE TË QYTETEVE DHE KATUNDEVE

Neni 11. — Këshillat kishtare lokale (dhimogjeronditë), janë organi ekzekutiv dhe administrativ i mbledhjes së famullisë dhe zgjidhen nga gjiri i saj. Këto veprojnë nën kryesinë e titullarëve të episkopatave ose të zëvendësive mitropolitane apo episkopale lokale dhe shërbejnë darovisht.

Neni 12. — Këshillat kishtare lokale (dhimogjeronditë) të qyteteve, përbëhen prej katër deri gjashtë vetash, përveç kryetarit, nga të cilat njeri klerik, dhe zgjidhen për dy vjet nga gjiri i mbledhjes së famullisë, me vota të hapta dhe direkte.

At dhe bir, vëllezërit, bashkëshortët, vjehri dhe dhëndëri, s'mund të jenë bashkë antarë këshilli.

Neni 13. — Këshillat kishtare të katundeve, përbëhen prej priftit të katundit si kryetar dhe prej dy deri katër antarësh laikë, dhe zgjidhen për dy vjet.

Neni 14. — Antarët e këshillave kishtare, nuk mund të jenë njëkohësisht dhe antarë të këshillave manastirjale, me përjashtim të manastireve që administrohen direkt prej katundit.

Neni 15. — Titullari i episkopatës, ose zëvendësit mitropolitane apo episkopale lokale, dy muaj para se të mbarojë periodja e antarëve të këshillit kishtar, shpallin zgjedhje të reja.

Neni 16. — Zgjedhjet do të bëhen mbas një muaji nga dita e shpalljes, në të cilat kanë të drejtë të marrin pjesë të gjithë besimtarët, pa dallim seksi; që kanë moshën madhore dhe që gëzojnë të drejtën e votimit konform me ligjet përkatëse të Shtetit.

Neni 18. — Nga gjiri i mbledhjes propozicion prej tre vetash nën kryesinë e titullarit të episkopatës, zëvendësit, ose një famulltari të deleguar.

Neni 17. — Zgjedhjet mbikqyren nga një zoheni 8-10 kandidatë për këshillat kishtare të qyteteve dhe 4-8 për këshillat kishtare të

katundeve, të cilët vihen në votë një nga një si pas rradhës që janë propozuar, dhe nga këta gjysma e kandidatëve që do të fitojnë votat më të shumta do të përbëjnë këshillin kishtar. Përfundimi i zgjedhjeve i njoftohet titullarit të episkopatës.

Neni 19. — Antari klerik i Këshillit kishtar zgjidhet prej klerikëve të qytetit dhe nga gjiri i tyre.

Neni 20. — Këshilli kishtar mbledhet zakonisht një herë në muaj dhe jashtëzakonisht sa herë që e lyp nevoja.

Neni 21. — Mbledhjen e këshillit kishtar të qyteteve ose të katundeve e provokon kryetari, por në qoftë se gjysma e antarëve e kërkojnë me shkrim që të bëhet një mbledhje, atëherë është detyruar që të thërrasë këshillin menjherë.

Neni 22. — Mbledhja është vlerëshme, kur ndodhen prezent më tepër se gjysma e antarëve, dhe vendimet mirren me shumicën e thjeshtë të votave, si për këshillat kishtare të qyteteve ashtu edhe për ato të katundeve.

Neni 23. — Çdo antar i këshillit kishtar që nuk merr pjesë në mbledhjet tre herë me rradhë për arsye të pa-justifikuara, quhet ipso fakto dorëheqës dhe vendin e tij e zë atë që

në zgjedhjet ka marrë votat më të shumta.

Neni 24. — Këshillat kishtare lokale kanë këtë kompetenca:

a) Të kujdesen për inventarizimin e rregullt të pasurisë së lujtëshme dhe të pa-lujtëshme të kishave.

b) Të kujdesen për ruajtjen dhe shtimin e pasurisë së lujtëshme dhe të pa-lujtëshme të kishës.

c) T'interesohen për mirë-mbajtjen e ndërtesave kishtare dhe për ruajtjen e kishave, sidomos të sendeve me vlerë arkeologjike, dhe për pajisjen e kishave me sendet e nevojëshme si: Ikona, libra, veshje të shënjtë dhe me gjithëcka nevojitet për shërbesat kishtare.

c) Të zgjedhin, në qoftë se vëndet nër qytete janë vakante, famulltarin, dhjakonin dhe psaltët. Në katundet famulltari zgjidhet nga mbledhja e përgjithëshme e famullisë. Në emërimin e priftërinjëve dhe të dhjakoneve episkopi ruan veton për arsye shpirtërore.

d) Të zgjedhin dhe të mbikqyrin kujdestarinë kishtare në kryerjen e detyrave të saj.

dh) T'emërojnë dhe të pushojnë shërbye-

sat e kishave, ndërsa organizimi i koreve mbetet në kompetencën e titullarëve.

e) Të gjejnë mjetet e nevojëshme për ndreqjen ose riparimin e kishës dhe të ndërtesave të saj, të destinuara për kultin hyjnor.

ë) T'interesohen për përmirësimin e gjëndjes ekonomike të personelit kishtar.

f) Të propozojnë dhe të kërkojnë aprovimin e Këshillit Ekonomik të Përhershëm mbi përdorimin e fondeve disponibël të kishës, përveç rasteve me karakter urgjent.

g) Të shqyrtojnë në mbarim të vitit financiar buxhetin konsumtiv dhe t'ia paraqisin këtë bashkë me një raport shkoqitës Kryesisë së Kishës me anë t'episkopatës, e cila duhet të çfaqë mendimin e saj relativ.

gj) Të hartojnë buxhetin preventiv vjetor dhe t'ia paraqitin këtë për aprovim Këshillit Ekonomik, nëpërmjet qëndrës së episkopatës.

h) Të krijojnë bibliotekën e famullisë, duke e pajisur me libra të dobishme.

KUJDESTARITË KISHTARE

Neni 25. — Këshilli Kishtar i Qytetit zgjedh jashtë gjirit të tij dy deri tre kujdestarë për çdo kishë për një periudhë prej

dy vjetësh, të cilët aprovohen prej titullarit kompetent dhe shërbejnë darovisht.

Neni 26. — Të drejtat dhe detyrat e kujdestarëve të kishës janë:

a) Të marrin pjesë në mbledhjet e këshillit kishtar me votë konsultative.

b) Të përkujdesen për tërë pasurinë e lujtëshme dhe të palujtëshme të kishës. simbas inventarit.

c) T'inkasojnë kontributet kishtarë dhe t'ia dorëzojnë sekretar-llogaritarit lokal kundrejt deftese të rregulltë, për t'i derdhur në bankë.

ç) Të përkujdesen për ndërtesat kishtarë dhe oborin e Kishës që të mbahen në gjëndje të mirë, duke i bërë propozime për këto Këshillit kishtar.

KËSHILLAT MANASTIRJALE (IGUMENTALE)

Neni 27. — Këshilli Manastirjal (igumenial), përbëhet prej igumenit ose administratorit klerik dhe prej tre antarëve laikë, prej katundeve më të afërme të manastirit. Në rast se manastiri ndodhet afër qytetit, njeri antar zgjidhet nga qyteti.

Neni 28. — Antarët e Këshillit Manastir-

jal (igumenial), zgjidhen për një periudhë prej dy vjetësh, prej katundeve ose këshillit kishtar të qytetit respektiv, jashtë gjirit të tij.

Neni 29. — Emrat e antarëve të këshillit manastirjal, i njoftohen me anë të zëvendësit lokal titullarit t'episkopës, i cili aprovon.

Neni 30. — Këshilli manastirjal mbledhet zakonisht një herë në muaj dhe jashtë — zakonisht sa herë që e lyp nevoja, thirret prej administratorit klerik ose igumenit i cili e kryeson dhe ky ka kuorum kur ndodhen prezent dy antarë përveç kryetarit.

Neni 31. — Kompetencat e këshillit manastirjal janë:

a) Të përkujdeset për mbarë-vajtjen e manastirit dhe për mirë-funksionimin dhe përparimin e tij të gjithëanëshëm.

b) Të vendosë mbi jetësimin e pasurisë manastirjale, mbasi më parë të mirret aprovimi i Këshillit Ekonomik të Përherëshëm; me aprovim të Këshillit Ekonomik vendoset gjithashtu edhe blerja e ndonjë pasurije, kur shifet se kjo është në dobi të manastirit.

c) T'emrojë ose të pushojë personelin e manastirit, me përjashtim t'administratorit klerik.

c) Të hartojë buxhetet konsumtive dhe preventive të manastirit të cilët ia paraqitin zëvendësisë lokale nga ku mvarret.

Neni 32. — Këshilli manastirjal funksionet e tij ekonomiko-financiare i kryen në bazë t'insruksioneve të dhëna nga Kryesia e Kishës dhe në konformitet me ligjet përkatëse në fuqi.

KAPTINA II

KRYEPISKOPI DHE EPISKOPËT

Neni 33. — Kryepiskopi dhe episkopët, përveç të drejtave dhe detyrave që parashikohen në nenin 27 dhe 30 të Statutit, janë të përhershëm dhe nuk mund të transferohen veçse në raste të jashtë-zakonëshme, kur Sinodhi i Shënjtë e shef t'arsyeshme.

Neni 34. — Afat'i qëndrimit të një dioqeze vakante me një zëvendës episkopal të përgjithëshëm provizor, për të cilën flitet në nenin 27 gërma h të Statutit, caktohet në tre muaj.

Neni 35. — Pushim' i Kryepiskopit dhe episkopëve, bëhet për faje të rënda dog-

matike dhe kanonike, për faje ordinere dhe për arsye extraordinere.

a) Për faje të rënda dogmatike dhe kanonike gjykohen prej Sinodhit të Shënjtë, në konformitet me nenin 11, gërma dh, të Statutit. Vendimi jepet me shumicë votash, pasi të dëgjohej më parë apologjija e t'akuzuarit, i cili detyrohet t'a paraqitë këtë me shkrim ose t'a bëjë verbalisht brenda pesë ditëve nga data e njoftimit.

b) Kryepiskopi, episkopët dhe gjithë funksionarët e tjerë në shërbim të kishës, që shkelin ligjet e Shtetit, rendin publik ose zakonet e mira dhe që zhvillojnë nonjë aktivitet anti-demokratik, pamvarësisht nga përgjegjësjja tjetër, me propozimin e Këshillit Ministerjal mund të pezullohen ose të pushohen nga detyra.

Neni 36. — Kryepiskopi dhe antarët e Sinodhit, për shkak sëmundjeje kronike ose pleqërije, të cilat nuk u përmetojnë të përmbushin detyrat e tyre, kanë të drejtë t'i paraqesin kanonikisht dhe me të shkrojtur dorëheqjen e tyre Sinodhit të Shënjtë.

Sinodhi i Shënjtë ka të drejtë të shkarrojë nga detyra Kryepiskopin, sinodhikët, ose çdo klerik tjetër, kur konstaton se për

shkak sëmundjeje kronike ose pleqërije, këta nuk janë në gjëndje të përmbushin detyrat e tyre. Pa aftësija në punë provohet kurdoherë me raport mjekësor.

Neni 37. — Kryepiskopi, episkopët, episkopët titullarë dhe zëvendësit e tyre, gëzojnë të drejtë lejeje të zakonëshme 30 ditë në vit, ndërsa zëvendësit mitropolitanë ose episkopale lokale dhe priftërinjtë, 15 ditë në vit.

KAPTINA III.

ZEVËNDESI MITROPOLITANË DHE EPISKOPALË LOKALË

Neni 38. — Kompetencat e zëvendësve mitropolitanë dhe episkopale, lokale janë:

a) Të drejtojnë aktivitetin pastoral, kultural dhe shoqëror të klerikëve të juridiksionit të tyre.

b) Të zbatojnë vendimet dhe urdhërat e organeve superiore.

c) Të kujdesen që famullitë vakante të juridiksionit të tyre të mos mbeten pa famulltarë, për kryerjen e shërbesave fetare.

ç) Të bëjnë mbledhje të përmuajshme me klerin e juridiksionit të tyre dhe t'i japin udhëzimet e nevojshme për kryerjen e misionit të tij fetaro-patriotik, duke mbajtur dhe proces-verbalet përkatëse.

d) T'i parashtrojnë një raport të hollësishëm qendrës së episkopatës në fund të çdo tremujori, mbi gjëndjen e juridiksionit të tyre.

dh) T'inspektojnë, të paktën dy herë në vit, të gjitha famullitë e juridiksionit të tyre, për të kontrolluar dhe konstatuar për s'afërmi gjëndjen e kishave, të manastireve dhe perakliseve, duke ia raportuar rezultatin episkopatës së tyre.

e) Të mbajnë protokoll të rregullt për të gjitha veprimet, duke sistemuar aktet dhe arshivën e zëvendësisë së tyre.

ë) T'interesohen për mbajtjen e plotë të inventarit të përgjithshëm të kishave dhe të manastireve të juridiksionit të tyre, një kopje të të cilit t'ia dërgojnë qendrës së episkopatës.

f) T'interesohen për mbajtjen në rregull dhe në regjistrat përkatëse të llogarive të kishave dhe të manastireve të juridiksio-

nit të tyre, me anë të sekretar-llogaritarëve, në konformitet me udhëzimet financiare.

g) Të kujdesen për mbajtjen në rregull të regjistrave të pagëzimeve, të kurorëzimeve dhe të varrimeve të të gjithë juridiksionit të tyre.

gj) të kryesojnë këshillin kishtar lokal (Dhimogjerondinë) dhe çdo mbledhje që ka të bëjë me zgjedhjet.

KAPTINA IV.

FAMULLTARËT

Neni 39. — Famulltari është udhëheqësi shpirtëror i besnikëve të famullisë.

Neni 40. — Kompetencat e famulltarit janë këto:

a) Të vërë në zbatim të gjitha dispozitat e Statutit, të Rregullores, të vendimevet dhe urdhëravet t'organeve kishtare në lidhje me famullinë.

b) Të thërrasë dhe të kryesojë këshillin kishtar në katundet, kurse në qytete ky kryesohet prej titullarëve ose zëvendësve të tyre lokalë.

c) Të mbajë një regjistër të të gjithë besnikëve të famullisë së tij.

ç) Të mbajë shënime mbi pagëzimet, kurorëzimet dhe varrimet të cilat detyrohet në fund të çdo muaji t'ia dërgoi zëvendësisë lokale nga ku mvaret.

d) Të kryejë shërbimet fetare simbas rregullave dhe traditës së Kishës.

dh) Të kujdeset për mbajtjen në rregull të llogarive të Kishës së katundit ku shërben, në konformitet me udhëzimet financiare, dhe të mbajë në rregull arshivën e kishës mbi të gjithë korespondencën që zhvillohet nërmjet tij dhe organeve superiore.

e) Të mbajë kronikën e kishës në të cilën shënon ngjarjet historike.

ë) Të kujdeset për mirë-mbajtjen e orendive dhe të robeve të shënjta.

f) Të njoftojë zëvendësinë mitropolitane ose episkopale nga ku mvaret për çdo erezi ose anomali që mund të ngjasë në famullin e tij.

Neni 41. — Për t'u dorëzuar (hirotonisur) në gradën e dhjakonit ose priftit një kandidat, duhet:

a) Të jetë i krishter orthodhoks dhe i

pagëzuar sipas rregullave të Kishës Orthodhokse Lindore.

b) Të ketë cilësitë shpirtërore të parapara nga kanonet e shënjtja.

c) Të mos ketë të meta trupore dhe të gëzojë shëndet të plotë.

ç) Të jetë shtetas shqiptar dhe të gëzojë të gjitha të drejtat civile dhe politike.

d) Të ketë mbaruar një seminar ose shkollë të mesme dhe, në mungesë të këtyre, të ketë aftësi të mjaftuarshme autodidakti.

Neni 42. — Dokumentat që duhet të paraqitë kandidati për t'u dorëzuar, janë:

a) Dëshminë e rëfimit nga ati shpirtëror, me anë të së cilës të vërtetohet aftësija e tij shpirtërore.

b) Certifikatën shkollore të vërtetuar rregullisht.

c) Certifikatë lindjeje.

ç) Raport mjekësor mbi gjëndjen shëndetësore.

d) Certifikatë mirë-sjelljeje të lëshuar nga organet shtetërore kompetente.

dh) Certifikatë penaliteti nga prokurorija publike.

e) Deklaratën e gruas, të vërtetuar nga Këshilli Popullor kompetent, me anën e së cilës ajo të deklarojë se pranon dorëzimin e bashkëshortit të saj në gradën klerikale.

ë) Vendimin e famullisë ose të Këshillit Kishtar për zgjedhjen e kandidatit. Një kandidat mund të dorëzohet dhe pa vendim të famullisë ose të Këshillit kishtar, por ky do të dërgohet si famullitar pasi të mirret më parë vendimi i famullisë ose i këshillit përkatës.

f) Lutjen e tij për t'u dorëzuar (hirotonisur).

Neni 43. — Të gjitha këto dokumenta i përcillen titullarit t'episkopatës, i cili, pasi i studjo ndhe provon kandidatin, ia përcjellë Krvesisë së Kishës me shënimet e rastit, e cila duhet të interesohet që pranimi ose mospranimi i tij të vendoset brënda 40 ditëve.

KAPTINA V.

ADMINISTRATORET E MANASTIREVE (IGUMENËT)

* Neni 44. — Kompetencat e administratorit klerik (igumenit) të një manastiri, janë:

a) Të përkujdeset për mbarë-vajtjen dhe përparimin e manastirit, si dhe për mbajtjen e një disipline të përshtatëshme për një qendër të tillë qetësije shpirtërore.

b) Të kryejë të gjitha shërbimet fetare në konformitet me rregullat, kanonet dhe zakonet kishtare.

c) T'administrojë pasurinë e manastirit sipas urdhërave ierarhike dhe në konformitet me vendimet e Këshillit manastirial (igumerial) duke u kujdesur që të zhvillohet frutikultura, apikultura dhe zanate të ndryshme për prodhimin e sendeve të shënjta që përdoren ndër kisha.

ç) Të kujdeset për mbajtjen e llogarive të manastirit konform me udhëzimet financiare.

d) T'inkasojë t'ardhurat dhe të kryejë shpenzimet në konformitet me buxhetin e aprovuar nga Këshilli Ekonomik.

dh) Të mbajë dhe të ruajë arshivën e manastirit.

KAPTINA VI.

PREGATITJA E KLERIT. KONFERENCAT DHE BOTIMET

Neni 45. — Pregatitja e klerit bëhet në

seminare ose shkolla të mesme fetare, në kurse të shkurtra perfeksionimi dhe me anë konferencash.

Neni 46. — Konferencat zhvillohen në bazë të një programi të hartuar nga seksioni i kulturës dhe t'aprovuar nga Sinodhi i Shënjtë.

Kurse mund të zhvillohen dhe me psaltërit, me qëllim që të perfeksionohen në degën e tyre.

Neni 47. — Kryesija e Kishës nxerr një revistë të përmujshme si organ zyrtar të saj, me titull «Orthodhoksija» dhe me përmbajtje fetaro-kulturore dhe kombëtare të dobishme për klerin dhe besimtarët.

Revista nxirret nga seksioni i kulturës me drejtor përgjegjës të caktuar nga Sinodhi i Shënjtë.

Neni 48. — Pajtimi vjetor i revistës caktohet me vendim të posaçëm të Këshillit Ekonomik të Përhershëm.

KAPTINA VII.

PERSONELI I KRYESISË DHE I EPISKOPATAVE I. — ORGANIKA.

Neni 49. — Në konformitet me Nenin

28 të Statutit, Kryepiskopi ndihmohet në kryerjen e detyrave të tij nga:

- a) Një episkop ndihmës.
- b) Një sekretar i Përgjithshëm i Sinodhit.
- c) Një Kryedhjakon.

Neni 50. — Pranë Kryesisë së Kishës funksionojnë edhe këto seksione:

- 1) Seksioni i administratës, që përfshin:
 - a) Referentin e personelit.
 - b) Arshivist-protokollistin.
 - c) Nënpunësin e ekonomatit-inventarit.
 - ç) Kopistin.
 - d) Shoferin.
 - dh) Korierin.
 - e) Shërbyesin.
- 2) Seksioni i kulturës që pëfshin:
 - a) Shefin e kulturës.
 - b) Predikatorin.
 - c) Referentin e kulturës.
- 3) Seksioni ekonomik-financiar, që përfshin:
 - a) Shefin e llogarisë.
 - b) Llogaritarin.
 - c) Referentin për pasuritë kishtare dhe manastirjale.

Neni 51. — Seksionet e sipër-treguara udhëhiqen nga Kryesija e Kishës nëpërmjet të Sekretarit të Përgjithshëm të Sinodhit.

Neni 52. — Çdo episkopatë ka këtë personel:

- a) Sekretar.
- b) Dhjakon.
- c) Predikator.
- ç) Kopist-Arshivist-Protokollist.
- d) Shërbyes.

Neni 53. — Në çdo zëvendësi mitropolitane ose episkopale lokale, përveç zëvendësit, ka dhe një sekretar-llogaritar lokal.

II. EMËRIME.

Neni 54. — Episkopi Ndhmës, i parashikuar në Nenin 28 të Statutit, emërohet nga Sinodhi i Shënjtë në konformitet me kanonet e shënjta.

Neni 55. — Nënpunësit e Kryesisë së Kishës dhe t'episkopatave, emërohen dhe pushohen si më poshtë:

- a) Shefi i Seksionit të kulturës, predikatorët, referenti i personelit dhe referenti i kulturës, emërohen dhe pushohen nga Kryesija e Kishës me pëlqim të Sinodhit.

b) Shefi i llogarisë, referenti i pasurive kishtare dhe manastirjale dhe llogaritari, emërohen dhe pushohen nga Kryesia e Kishës me pëlqim të Këshillit Mikst.

c) Sekretarët e episkopatave, emërohen dhe pushohen prej titullarëve respektivë, me pëlqim të Kryesisë së Kishës.

ç) Gjithë nënpunësit e tjerë të Kryesisë së Kishës dhe t'episkopatavet, emërohen dhe pushohen prej titullarëve respektivë.

d) Sekretar-llogaritarët e zëvendësive mitropolitane ose episkopale lokale emërohen dhe pushohen nga Këshilli Kishtar (Dhimagjerondija) i zëvendësisë dhe aprovohen prej titullarit përkatës, por titullari, kur konstaton se një sekretar-llogaritar nuk i kryen detyrat e tij, ka të drejtë t'a pezullojë menjëherë dhe të kërkojë pushimin e tij nga Këshilli kishtar.

III. — DETYRAT

Neni 56. — Sekretari i Përgjithëshëm i Sinodhit, i cili është njëkohësisht dhe Sek-

retar' i Përgjithëshëm i Kryesis së Kishës, ka këto detyra:

a) Kryen gjithë punët administrative të Kryesisë së Kishës.

b) Mban proces-verbalet e mbledhjeve të Sinodhit dhe të këshillave të larta të kishës.

c) Kryen çdo llojë detyre që i ngarkohet nga këshillat e larta të kishës dhe nga Krye piskopi.

ç) Ka për detyrë, një herë në vit, t'i paraqitë Këshillit Mikst të Kishës një raport vjetor mbi veprimtarinë administrative, me propozimet përkatëse.

Neni 57. — Shef' i seksionit të kulturës ka këto detyra:

a) Botimin e revistës së Kishës dhe të librave të tjera me përmbajtje fetaro-morale.

b) Prgatitjen e materialit të predikimit të fjalës së Zotit ndër kisha për të diela dhe të kremte, nën kontrollin e Kryesis së Kishës.

c) Kujdesjen që kishat të jenë të pajisura me orënditë kishtare dhe librat kishtare.

ç) Krijimin e bibliotekave ndër zëvën-

dësitë mitropolitane dhe episkopale lokale.

d) Prgatitjen e lëndës për konferencat, për ngritjen kulturele të klerit dhe të psaltëve, nën kontrollin e titullarëve.

dh) Përkthimin e librave për letërsinë kishtare.

e) Dhe në përgjithësi merret me çdo problem kulturor kishtar që preokupon kishën.

ë) Një herë në tre muaj e ka për detyrë t'i paraqiti Kryesisë së Kishës një raport mbi veprimtarinë kulturele me propozimet përkatëse.

Neni 58. — Detyrat e shefit të seksionit ekonomik-financiar janë:

a) Të kujdeset për mbajtjen e kontabilitetit sipas rregullave financiare.

b) Të japë të gjitha elementet kontabile për përpullimin e buxhetit vjetor.

c) Të ndjekë me kujdes dhe të kontrollojë herë pas here zbatimin e përpiktë të buxhetit të përgjithëshëm, si edhe të buxheteve lokale.

ç) Të studjojë dhe t'i referojë Këshillit Ekonomik çdo masë që ka lidhje me përmirësimin ekonomik të Kishës.

d) Të kujdeset për mbajtjen e inventarit të pasurisë kishtare.

dh) Të japë udhëzimet dhe skjarimet përkatëse në lidhje me dispozitat që kanë të bëjnë me kontabilitetin.

e) Të kryejë të gjitha veprimet në lidhje me fondin e sigurimit të klerit.

Neni 59. — Detyrat e referentit të personelit janë:

a) Të mbajë evidenca të rregullta dhe biografite e krejt personelit kishtar, klerik dhe laik.

b) T'interesohet për mbajtjen n'evidencë të personelit klerik dhe laik.

IV. — GRADAT KISHTARE TË NDERIT

Neni 60. — Në konformitet me Nenin 23 të Statutit, priftërinjëve (u jepen këto) grada nderi:

a) Saqellar.

b) Ekonom.

c) Ekonom Stavrofor.

Neni 61. — Gradat e nderit, që përmën-

den në Nenin 60, gërmat a, b, c, jepen me propozim të titullarit respektiv dhe me aprovim të Sinodhit të Shënjtë, në këto raste:

a) Kur konstatohet se është shëmbëll në besë, në sjellje dhe në kryerjen e shërbimeve fetare.

b) Kur me inisjativën dhe punën e tij ka ndërtuar ndonjë Kishë.

c) Kur ka treguar aktivitet për mbrojtjen e të drejtave të Kishës Orthodhokse dhe për mbrojtjen e Atdheut.

c) Kur tregon aftësi dhe aktivitet të gjallë administrativ.

d) Kur me përpjekje të mëdha mbin të bëhet një predikator i mirë i fjalës së Zotit.

KAPTINA VIII. —

SIGURIMI I KLERIT

Neni 62. — Pranë Kryesis së Kishës krijohet «Fondi i Sigurimit të Klerit», i cili ka për qëllim të sigurojë të gjithë klerikët e Kishës Orthodhokse Autoqefale të Shqipërisë.

Neni 63. — Fondi i sigurimit të klerit përbëhet nga:

a) 50% mbi rrogat e personelit klerik që derdhet nga punëdhënësi në fund të çdo muaji.

b) 20% mbi t'ardhurat bruto të kishave dhe të manastireve, të cilat derdhen nga këto në mbarim të çdo tremujori;

c) Nga kontributi vullnetar 10% mbi rrogën bazë që derdhin klerikët e siguruar në fund të çdo muaji.

Neni 64. — Konsiderohet si rrogë bazë, rroga që i paguhet klerikut nga Kryesija e Kishës plus shpërblimin që ay merr nga katundi, qoftë ky shpërblim edhe në natyrë; me përjashtim të tahirave (rasëshmeve).

Neni 65. — Sigurimi i klerit përfshin:

a) Shpërblime në të holla në rast pa aftësi të përkohëshme për punë, për klerikët e siguruar dhe për pjestarët e familjeve të tyre.

b) Shpërblime suplementare në të holla për ushqim dhe pajisjen e fëmijës me sendet e nevojëshme dhe për shpenzime varrimi, si për të siguruarin ashtu edhe për pjestarët e familjes së tij.

c) Pensione në rast pa aftësi të përhershme për punë (invaliditet), dhe ndihmë familjare në rast vdekjeje të të sigurvearit.

Neni 66. — Kleriku i sigurvear që bëhet i pa-afte për punë, për shkak sëmundje, ka të drejtë për një shpërblim në të holla për të gjitha ato ditë pune që ndodhet i sëmurë, në masën që parashikohet për nënpunsit e sigurvear detyrimisht nga Shteti.

Neni 67. — Kleriku i sigurvear kur i lind një fëmijë, ka të drejtë në një shpërblim fikse dhe në sasi që parashikon ligja për të sigurvearit detyrimisht prej Shtetit, për lindje, për pajisjen e fëmijës me sendet e nevojshme dhe për ushqimin e fëmijës për 9 muaj, në qoftë se ka punuar jo më pak se 6 muaj në punë të pa ndërprerë para lindjes.

Neni 68. — Shpërblimi për lindje nuk jepet në këto raste:

a) Kur kleriku i sigurvear është larguar pa leje nga puna, ose kur është pushuar nga puna për faje të parashikuara në Statutin e Kishës dhe në këtë Rregullore.

b) Kur rroga mujore e klerikut të sigu-

ruar në muajin e fundit para lindjes kalon masën e parashikuar nga dispozita përkatëse e Ligjës mbi sigurimet shoqërore.

c) Kur nëna banon në fshat dhe familja në të cilën bën pjesë realizon fitime nga ekonomija bujqësore dhe paguan tatim-fitime.

ç) Kur fëmija lindet e vdekur.

Neni 69. — Kur lindën dy ose më shumë fëmijë, shpërblimi për lindje jepet për secilën fëmijë sipas dispozitave të sipërme.

Neni 70. — Kur kleriku i sigurvear vdes, pjestarët e familjes së tij kanë të drejtë në një shpërblim për shpenzime varrimi, në masën që parashikohet nga Ligja për të sigurvearit detyrimisht nga ana e Shtetit.

Neni 71. — I sigurveari ka të drejtë për një shpërblim për shpenzime varrimi kur i vdes ndonjë nga pjestarët e familjes së tij, në masën që parashikohet për të sigurvearit detyrimisht nga ana e Shtetit.

Neni 72. — Pjestarë të familjes në ngarkim të klerikut të sigurvear, konsiderohen këta:

a) Fëmijët e lindur me martesë ose t'adop

tuar, vëllezërit dhe motrat nën 16 vjeç, ose nën 20 vjeç kur vazhdojnë mësimet në ndonjë institut shkollor.

b) Prindërit e klerikut të siguruar që janë në ngarkim efektiv të tij dhe gruaja.

Neni 73. — Shpërblimet për pa-aftësi të përkohëshme për punë (sëmundje, barrë, lindje), si edhe shpenzimet e varrimit, duhet të kërkojnë brenda tre muajve nga data në të cilën ka lindur e drejta.

Kërkesa për shpërblim lindjeje (ushqim dhe pajisje fëmijës me sendet e nevojshme), duhet të paraqitet brenda 6 muajve prej ditës së lindjes.

Neni 74. — Shpërblimet e përmendura në Nenin 65, gërma a, paguhen në bazë të faturës ose dftesës së spitalit apo maternitetit, e cila duhet të jetë e shoqëruar dhe me raportin e mjekut. Kur është rasti për pjesëtarin e familjes, përveç dftesës dhe raportit, duhet dhe një certifikatë nga gjëndja civile, me anën e sëcilës të vërtetohet qënja e personit në ngarkim të klerikut të siguruar.

Neni 75. — Shpërblimet e përmendura

në Nenin 65, gërma b, paguhen në bazë të certifikatës së lindjes.

Neni 76. — Shpërblimi për shpenzime varrimi që përmendet në Nenin 70 dhe 71, paguhet në bazë të certifikatës së vdekjes.

PENSIONET

Neni 77. — Në mbështetje të së drejtës kanonike dhe të traditës kishtarë, simbas së cilës kleriku është i përhershëm në detyrë, ky nuk mund të dalë në pension për shkak pleqërie, por vetëm për shkak pa-aftësie në përmbushjen e detyrave të tij.

Sasija e shpërblimit do të paguhet në masën e parashikuar nga Ligja mbi sigurimet shoqërore shtetërore për invalidët e kategorisë së parë.

Neni 78. — Kur kleriku i siguruar vdes qoftë me vdekje naturale qoftë aksidentalisht, familjes së tij mund t'i jipet një ndihmë vjetore në sasi që do të caktohet nga Këshilli Mikst për çdo vit.

DISPOZITA TË FUNDIT

Neni 79. — Një këshillë kishtare, e cilëso- do gradë qoftë, ose një këshillë manastirja- le, apo antarë të tyre, mund të revokohen edhe para mbarimit të afatit për të cilin ja- në zgjedhur, me kërkimin e Kryesisë së Ki- shës apo të titullarëve t'episkopatave, ose me kërkimin e dy të tretave të zgjedhësve.

Neni 80. — Kjo Rregullore mund të modi- fikohet vetëm me vendim të Këshillit Mikst.

Neni 81. — Mënyra e procedurës së gjy- kimit të çështjeve disiplinore që i referohen gjykatave spirituale dhe kompetencës së Sinodhit, si edhe dispozita të tjera përkatëse, do të caktohen hollësisht në një rregullore të posaçme të hartuar nga Sinodhi i Shënjtë.

Neni 82. — Kjo rregullore e përpilluar në konformitet me dispozitat e Statutit të Ki- shës Orthodhokse Autoqefale të Shqipërisë dhe të Ligjës mbi Komunitetet fetare, hynë në fuqi pasi më parë t'aprovohet nga Këshi- lli Ministror.